

Бухоро шаҳар “Ягона дарча”
марказининг “31” 05
2018 йил 984228 сонли қарори
билан Давлат рўйхатига олинган



Ўзбекистон Республикаси Олий ва ўрта
махсус таълим вазирлигининг 2018 йил
«15» февраль 168 -сонли
буйруғи билан тасдиқланган

БУХОРО МУҲАНДИСЛИК - ТЕХНОЛОГИЯ ИНСТИТУТИНИНГ

УСТАВИ

I. Умумий қоидалар

1. Бухоро муҳандислик-технология институти (кейинги ўринларда институт деб аталади) 1977 йил 17 августда Тошкент Политехника институтининг Бухоро филиали негизида Бухоро озиқ-овқат ва енгил саноат технологияси институти номи билан ташкил этилган.

Ўзбекистон Республикаси Президентининг 2011 йил 20 майдаги “Олий таълим муассасаларининг моддий-техника базасини мустаҳкамлаш ва юқори малакали мутахассислар тайёрлаш сифатини тубдан яхшилаш чоратadbирлари тўғрисида”ги ПҚ-1533-сонли қарори асосида Бухоро озиқ-овқат ва енгил саноат технологияси институти негизида Бухоро юқори технологиялар муҳандислик-техника институти ташкил этилган.

Бухоро муҳандислик-технология институти Ўзбекистон Республикаси Президентининг 2013 йил 15 апрелдаги “Бухоро муҳандислик-технология институтини ташкил қилиш тўғрисида”ги ПҚ-1954-сонли қарори асосида Бухоро юқори технологиялар муҳандислик-техника институти негизида қайта ташкил қилинган бўлиб, Ўзбекистон Республикаси Олий ва ўрта махсус таълим вазирлигининг ташкилий тузилмасига қиради.

2. Институт давлат олий таълим муассасаси ҳисобланиб, олий таълимнинг асосий ва қўшимча таълим дастурларини бажариш бўйича таълим фаолияти билан шуғулланади. Шунингдек, Ўзбекистон Республикасининг қонун ҳужжатларига мувофиқ ўқув, илмий-методик ва бошқа фаолиятларни амалга оширади ҳамда таълим хизматларини кўрсатади.

3. Институт ўз фаолиятида Ўзбекистон Республикасининг Конституцияси, Ўзбекистон Республикаси Президентининг фармонлари, қарорлари ва фармойишлари, Вазирлар Маҳкамасининг қарорлари ва фармойишлари, “Таълим тўғрисида”ги Қонуни, Кадрлар тайёрлаш миллий дастури, Ўзбекистон Республикаси Меҳнат кодексига, Олий ва ўрта махсус таълим вазирлигининг норматив-ҳуқуқий ҳужжатлари ва кўрсатмалари, шунингдек, институтнинг ички тартиб ва одоб-ахлоқ қоидалари, жамоа шартномаси ҳамда мазкур Уставга амал қилади.

4. Институт юридик шахс ҳисобланади. Оператив бошқарувида ўзига хос махсус мол-мулкка эга ва ушбу мол-мулк бўйича ўз мажбуриятларига мувофиқ жавоб беради, ўз номидан мол-мулк сотиб олиши ва мулкий ҳамда номулкий ҳуқуқларни амалга ошириш, зиммасига мажбурият олиши, судда даъвогар ва жавобгар бўлиши мумкин.

Мустақил балансга, банк муассасаларида ҳисоб-китоб ва бошқа шу жумладан валюта бўйича ҳисоб рақамларига, Ўзбекистон Республикаси Давлат герби тасвири туширилган ва ўз номи ёзилган муҳрга, штамплар ва бошқа реквизитларга эга.

Институт жойлашган манзил: индекс 200100, Бухоро вилояти, Бухоро шаҳри, Қ.Муртазоев кўчаси, 15-уй.

Тўлов олувчининг реквизитлари:

Ўзбекистон Республикаси Молия вазирлиги ғазначилиги

X/p 23402000300100001010

ИНН: 201122919; МФО: 00014

Марказий банк ХККМ Тошкент шаҳар ББ

Институт ш/хв № 100010860262877094100079001

Институтнинг ўзбек, рус ва инглиз тилларидаги расмий тўлик (қиска) номи:

Бухоро муҳандислик-технология институти (БухМТИ)

Бухарский инженерно-технологический институт (Бух ИТИ)

Bukhara Engineering - Technologies Institute (Bukhara ETI)

II. Институтининг асосий вазифалари ва фаолияти йўналишлари

5. Институтнинг асосий мақсади - енгил саноат, нефт-газ саноати, замонавий технологиялар ва ишлаб чиқаришнинг бошқа соҳаларида амалга оширилаётган ислохотлардан келиб чиқадиган стратегик вазифаларни рўёбга чиқара оладиган юқори малакали мутахассисларни тайёрлашдан иборат.

Асосий мақсаддан келиб чиққан ҳолда қуйидагилар институтнинг бош вазифалари ҳисобланади:

-республикада узлуксиз таълим тизими учун юқори малакали педагогик ва мутахассис кадрларни халқаро стандартлар даражасида сифатли тайёрлаш, қайта тайёрлаш ва уларнинг малакасини ошириш;

-тегишли педагогик йўналишлар ва мутахассисликлар бўйича давлат таълим стандартлари, ўқув режалари ва дастурларини ишлаб чиқиш юзасидан таклифлар бериш, илмий-методик адабиётларни ишлаб чиқиш;

-илмий-педагогик ва ўқув-методик фаолиятини мувофиқлаштириш ҳамда педагог кадрларнинг ҳар томонлама етук, рақобатбардош мутахассислар бўлиб етишишларига мўлжалланган комплекс маънавий-маърифий ишларни амалга ошириш;

-ўқув жараёнига замонавий педагогика, мультимедиа ва ахборот-коммуникация технологияларини жорий этиш;

-умумий ўрта, ўрта махсус, касб-ҳунар таълими педагог кадрларини қайта тайёрлаш ва уларнинг малакасини ошириш жараёнини ташкил этиш;

-қўшма илмий лойиҳаларни амалга ошириш, илмий-таълим жараёнига етакчи хорижий мутахассисларни жалб этиш мақсадида

хорижий педагогика олий таълим муассасалари ва илмий марказлар билан ҳамкорлик алоқаларини ривожлантириш;

-илмий-педагогик ходимлар ва таълим олувчиларнинг тадқиқотлари ва ижодий фаолиятлари орқали фанни таракқий эттириш, олинган натижалардан таълим жараёнида фойдаланиш;

-юримдик ва жисмоний шахсларнинг буюртмаларига биноан шартномалар асосида илмий тадқиқот ишлари ва ишланмаларни бажариш;

-ўқув адабиётлар ва монографияларни тайёрлаш ва чоп этиш;

-ходимлар ва таълим олувчиларга аклий ва ижодий фаолият, спорт билан шуғулланиш ва дам олиш учун зарур шароитларни яратиш;

-институтнинг моддий-техник базасини ривожлантириш.

III. Ўқув-тарбиявий ва илмий-методик ишларнинг субъектлари, уларнинг ҳуқуқ ва мажбуриятлари

6. Институтга қонунчиликда белгиланган тартибда умумий ўрта, ўрта махсус, касб-хунар таълими маълумотига эга бўлган шахслар аризаларига биноан Ўзбекистон Республикаси олий таълим муассасаларига талабаларни қабул қилиш тартиби ва қоидаларига мувофиқ Ўзбекистон Республикаси таълим муассасаларига қабул қилиш бўйича Давлат комиссияси томонидан тест синовлари натижаларига кўра тўпланган балларнинг рейтинг тизими бўйича амалга оширилади.

Институтга қабул барча учун (грант, тўлов-контракт бўйича) тенг ҳуқуқлилиқ, ягона қабул қоидалари ва ягона танлов асосида амалга оширилиб, тест синовларида энг юқори балл тўплаган абитуриентларнинг давлат грантлари бўйича биринчи навбатда қабул қилиниш ҳуқуқи таъминланади. Қолган абитуриентлар тест баллари рейтинги асосида белгиланган тўлов-контракт квоталари доирасида қабул қилиниш ҳуқуқига эгадирлар. Қонунчиликка мувофиқ тест синовларисиз муайян имтиёз асосида ҳам ўқишга қабул қилиш кафолатланади.

Амалдаги қонунчиликка асосан хорижий фуқароларни ўқишга қабул қилади.

Шунингдек институтга олий (иккинчи ва кейинги таълим) маълумотига эга бўлган шахслар Ўзбекистон Республикаси таълим муассасаларида иккинчи ва ундан кейинга таълимни олиш тартиби тўғрисидаги Низомга мувофиқ ўқишга қабул қилиниши мумкин.

Институт ректорининг буйруғи билан ўқишга қабул қилинган шахс институтнинг талабаси ҳисобланади. Талабага талабалиқ гувоҳномаси ҳамда рейтинг дафтарчаси бепул берилади.

7. Институтнинг талабалари қуйидаги ҳуқуқларга эга:

-фан, техника, замонавий технологиялар ютуқларига мос келувчи билимлар олиш;

-институт ахборот ресурс марказида мавжуд бўлган китоблар, даврий нашрлар, электрон таълим воситаларидан белгиланган тартибда бепул фойдаланиш;

-бепул маслаҳатлар ва тавсиялар олиш;

-аудиториялар, таълим жараёнига оид воситалардан ўрнатилган тартибда бепул фойдаланиш;

-таълим жараёни самарадорлиги ва таълим сифатини ошириш юзасидан ўз таклиф-мулоҳазаларини, танқидий фикрларини белгиланган тартибда таълим муассасаси, деканат ва кафедра раҳбариятига билдиришга ва уларни кўриб чиқишини талаб қилиш;

-институт ва факультет миқёсида ўтказиладиган оммавий тадбирларда иштирок этиш;

-илмий тадқиқот ишларида ва илмий конференцияларда қатнашишга ва уларнинг натижаларини нашр этишга ва бу ҳақда ахборотлар бериш;

-институт қонуний равишда фаолият юритаётган жамоат бирлашмаларига аъзо бўлиш ва улар ишида қатнашиш;

-ўқишдан ташқари вақтларда маънавий-маърифий, ободонлаштириш, кўкаламзорлаштириш ва бошқа қонунчиликка зид бўлмаган жамоат ишларида иштирок этиш;

-ўқишдан бўш вақтларида олий таълим муассасасининг ўзида, шунингдек, бошқа жойларда ишлаш;

-сифатли ва юқори савияда билим олиши, танлаган ихтисослиги бўйича юқори малакали мутахассис бўлиб етишиш учун зарур бўлган қонун ҳужжатларига зид бўлмаган бошқа ҳуқуқлардан фойдаланиш.

Талаба ўз ҳуқуқларини суистеъмол қилмаслиги, бу ҳуқуқлардан ўзга шахслар манфаатига зид мақсадларда фойдаланмаслиги шарт.

8. Давлат грантлари бўйича ва тўлов-контракт асосида ўқитишнинг ишлаб чиқаришдан ажралган ҳолдаги шаклида таълим олаётган талабалар Ўзбекистон Республикаси Олий ва ўрта махсус таълим вазирлигининг буйруғи билан тасдиқланган йўриқномада белгиланган тартиб ва миқдорда стипендия билан таъминланадилар.

Талабалар тегишли норматив-ҳуқуқий ҳужжатларга асосан Ўзбекистон Республикаси Давлат стипендиялари ва институт ички номдор стипендияларини олиш ҳуқуқига эгадирлар.

9. Ҳарбий хизматни ўташ, саломатлигини тиклаш, ҳомиладорлик ва туғиш, шунингдек болаларни парвариш қилиш таътиллари даврида талабага

Ўзбекистон Республикаси Олий ва ўрта махсус таълим вазирлиги томонидан тасдиқланган тартиб асосида академик таътил берилади.

10. Ўзбекистон Республикаси қонун ҳужжатларига мувофиқ кундузги ўқув шаклида таълим олаётган талабаларга олий таълим муассасасида ўқиётган вақти давомида ҳарбий хизматга чақириш муддатини кечиктириш имкони берилади.

11. Институтнинг Талабалар турар жойи сифидан келиб чиққан ҳолда муҳтож талабалар, институт талабалар турар жойларидан санитария меъёрлари ва қоидаларига жавоб берадиган жой билан таъминланади. Талабалар турар жойи учун тўлов талабалар турар жойларида коммунал-маиший хизматлар учун тўловларни инобатга олиб, институт кенгаши томонидан белгиланади.

Турар жойга муҳтож талабалар мавжуд бўлган ҳолда, олий таълим муассасасининг талабалар турар жойлари майдонидан бошқа мақсадларга фойдаланиш (ижарага бериш, бошқа келишувлар)га рухсат этилмайди.

12. Институтдан ўз хоҳиши ёки узрли сабабларга кўра четлаштирилган талаба Ўзбекистон Республикаси Вазирлар Маҳкамаси томонидан белгиланган талабалар ўқишини кўчириш, қайта тиклаш ва ўқишдан четлаштириш тартиби ва қоидалари асосида қайта ўқишга тикланиш ҳуқуқига эга.

Институтнинг талабалари белгиланган тартиб ва қоидалар асосида бошқа олий таълим муассасаларига ўқишларини кўчириш (ўқишга қайта тикланиш) ҳуқуқига эга.

Ўзбекистон Республикаси ҳудудида таълим фаолиятини олиб бориш учун лицензияга эга бўлмаган нодавлат олий таълим муассасалари ва бошқа мамлакатлар олий таълим муассасаларининг филиаллари (марказлар, бўлимлар, ўқув-маслаҳат пунктлари ва бошқалар)дан талабаларни институтга ўқишини кўчириш (ўқишга тиклаш) тақиқланади.

Талабалар ўқишини бир олий таълим муассасасидан бошқасига кўчириш, қайта тиклаш ва ўқишдан четлаштириш тартиби ва қоидалари Ўзбекистон Республикаси Вазирлар Маҳкамаси томонидан белгиланади.

13. Институт талабалари олий таълимнинг давлат таълим стандартлари, малака талаблари, ўқув дастурлари ва режаларида назарда тутилган билимларни эгаллашлари, топшириқларнинг барча турларини белгиланган муддатда бажаришлари зарур ҳамда институтнинг уставига, ички тартиб қоидалари, одоб-ахлоқ қоидалари ва талабалар турар жойлари қоидаларига риоя этишлари шарт.

Ўзбекистон Республикаси Ҳукумати қарорларида назарда тутилган ҳоллардан ташқари, талабаларни ўқиш вақти ҳисобидан таълим жараёни

билан боғлиқ бўлмаган ишларга жалб этиш ман этилади.

14. Талабага нисбатан ректорнинг буйруғи асосида қуйидаги ҳолларда талабалар сафидан четлатиш интизомий жазо чораси кўрилади.

15. Талаба олий таълим муассасасидан қуйидаги ҳолларда четлаштирилиши мумкин:

- а) ўз хоҳишига биноан;
- б) ўқишнинг бошқа таълим муассасасига кўчирилиши муносабати билан;
- в) саломатлиги туфайли (тиббий комиссияси маълумотномаси асосида);
- г) ўқув интизомини ва олий таълим муассасасининг ички тартиб-қоидаларини бузганлиги учун;
- д) бир семестр давомида дарсларни узрли сабабларсиз 74 соатдан ортиқ қолдирганлиги сабабли;
- е) ўқиш учун белгиланган тўлов ўз вақтида амалга оширилмаганлиги сабабли (тўлов-контракт бўйича таҳсил олаётганлар учун);
- ж) талаба суд томонидан озодликдан маҳрум этилганлиги муносабати билан;
- з) вафот этганлиги сабабли.

Белгиланган муддатларда фанларни узлаштира олмаган (академик қарздор бўлган) талаба институт ректорининг буйруғи билан курсдан курсга қолдирилади.

Институт маъмурияти ташаббуси билан ("е") кичик бандларига кўра талабаларни ўқишдан четлаштириш талабалар қасаба уюшмасининг ёзма розилигини инобатга олган ҳолда (қасаба уюшмаси аъзоси бўлган талабалар учун) амалга оширилади. Шунингдек, талаба мазкур Қоидаларнинг 14-банди "г" кичик бандига кўра четлаштирилаётган ҳолда, таълим муассасасининг "Ёшлар иттифоқи" бошланғич ташкилоти билан ҳам келишилиши мумкин.

Интизомий жазога тортилаётган талаба ўзига қўлланилган жазо чорасининг қонунийлиги ва адолатлилиги юзасидан қонун ҳужжатларида белгиланган тартибда шикоят билан мурожаат этиши мумкин.

Талабага нисбатан қўлланилган интизомий жазо юзасидан маълумот унинг шахсий йиғма жилдида сақланади.

Талаба институтдан четлаштирилганда, унга шахсий ҳужжатлари, белгиланган шаклдаги академик маълумотнома топширилади ва уларнинг нусхаси шахсий йиғма жилдда сақланади.

Интизомий жазо чоралар талабаларнинг касаллик ёки таътилда бўлган вақти ҳисобга олинмаган ҳолда хатти-ҳаракат аниқлангандан сўнг бир ойдан ва хатти-ҳаракат содир этилганидан сўнг олти ойдан кечиктирилмай қўлланилади. Талабалар касаллик пайтида, академик таътил ёки ҳомиладорлик ва туғиш ҳолати билан боғлиқ бўлган таътил пайтларда

талабаларга интизомий жазо чораларини кўриш маън этилади.

Талаба касал бўлганлиги ўзи ёки унинг ота-онаси томонидан ёзма ариза билан бевосита деканатга, одатда, бир ҳафтадан кечиктирилмасдан маълум қилинади ва тиббий маълумотнома аслини такдим этади.

б) Тингловчилар:

16. Институт ҳузуридаги педагог кадрларни қайта тайёрлаш ва уларнинг малакасини ошириш марказида ўқиётган шахслар тингловчилар ҳисобланади.

Институт ҳузуридаги Педагог кадрларни қайта тайёрлаш ва уларнинг малакасини ошириш марказида, ушбу марказнинг Уставига мувофиқ қонунчиликда белгиланган тартибда хизматлар кўрсатилиши мумкин.

Кадрлар малакасини ошириш ва қайта тайёрлаш тартиби, тингловчиларни ўқитиш шартлари ва ҳуқуқлари қонун ҳужжатларига мувофиқ тегишли норматив-ҳуқуқий ҳужжатлар билан белгиланади.

в) Таянч докторант, докторант ва мустақил изланувчилар:

17. Институтнинг таянч докторантлари, докторантлари ва мустақил изланувчилари бўлиб, муайян йўналиш бўйича илмий тадқиқот олиб бораётган фалсафа доктори (PhD) вафан доктори (Doctor of Science) илмий даражасини олиш учун диссертация тайёрлаётган шахслар ҳисобланади.

Олий ўқув юртидан кейинги таълимни ташкил этиш бўйича Таянч докторантурафалсафа доктори (PhD), докторантура фан доктори (Doctor of Science) ва Мустақил изланувчи сифатида давом эттириш амалдаги қонунчиликдаги ҳужжатлар асосида амалга оширилади.

г) Институтнинг профессор-ўқитувчилари таркиби, ўқув-ёрдамчи ва маъмурий-хўжалик ходимлари (персонали)

18. Институтда профессор-ўқитувчилар таркиби, илмий ходимлар, муҳандис-техник, маъмурий-хўжалик, ишлаб чиқариш, ўқув-ёрдамчи ва бошқа ишчи-хизматчилар лавозимлари мавжуд.

Профессор-ўқитувчилар таркибига кафедра мудири, профессор, доцент, катта ўқитувчи, ўқитувчи, ассистент ва ўқитувчи-стажёр лавозимлари киради (ўқитувчи-стажёр лавозими ЎзР ВМнинг 2008 йил 1 августдаги “Республика олий таълим муассасалари ходимлари меҳнатига ҳақ тўлашнинг такомиллаштирилган тизимини тасдиқлаш тўғрисида”ги 164-сон қарорига асосан киритилган).

19. Профессор-ўқитувчилар лавозимларига ишга қабул қилиш Ўзбекистон Республикаси Вазирлар Маҳкамасининг 2006 йил 10 февралдаги 20-сонли қарори билан тасдиқланган “Олий таълим муассасаларига педагог ходимларни танлов асосида ишга қабул қилиш тартиби тўғрисида”ги Низомга мувофиқ танлов асосида амалга оширилади.

Ўзбекистон Республикаси Президентининг 1992 йил 9 мартдаги Ф-137-сонли фармойишига мувофиқ олий таълим муассасасининг проректори ректор тавсиясига кўра Ўзбекистон Республикаси Олий ва ўрта махсус таълим вазири томонидан Ўзбекистон Республикаси Президенти девони билан келишилган ҳолда тайинланади. Факультет декани Олий ва ўрта махсус таълим вазири билан келишилган ҳолда институт ректорининг буйруғи билан тайинланади.

20. Институтнинг профессор-ўқитувчилар таркиби ва илмий ходимлари қуйидаги ҳуқуқларга эга:

- белгиланган тартибда олий таълим муассасаси ва факультет Кенгашларига сайлаш ва сайланиш;

- институтнинг фаолиятига тааллуқли масалаларни муҳокама қилишда иштирок этиш;

- институтнинг ахборот-ресурс маркази, ўқув ва илмий бўлинмаларнинг хизматларидан, шунингдек, ижтимоий-маиший, тиббий ва бошқа бўлимлар хизматидан фойдаланиш;

- ўқитишнинг услуб ва воситаларини танлаш, ўқув ва илмий жараённинг юқори сифатини таъминловчи илмий тадқиқот ишларини амалга ошириш;

- институт маъмуриятининг буйруқ ва фармойишлари юзасидан қонунчиликда белгиланган тартибда мурожаат қилиш;

- қонунчиликда белгиланган тартибда танловларда қатнашиш, лавозимларни эгаллаш;

- ўзлари ишлаётган кафедра, факультетдан ташқари бошқа факультет, кафедра, ташкилотларда ўриндошлик асосида ишлаш (асосий иш жойи билан келишилган ҳолда);

- хорижий ҳамкасбларнинг соҳага доир илмий ва ўқув-услубий адабиётлари билан танишиш ва улар билан фикр алмашиш;

- ўз фани бўйича сифатли дарсликлар ва ўқув қўлланмалар тайёрлаш;

- назарий билимларини амалий тажрибасини, илмий тадқиқот олиб бориш услубини, педагогик маҳоратини такомиллаштириб бориш;

- талабаларнинг илмий тадқиқот ишларига раҳбарлик қилиш;

- грантлар, илмий лойиҳалар, хўжалик шартномаларида иштирок этиш ҳамда таълим соҳасига оид қонунчилигида белгиланган бошқа ҳуқуқлардан фойдаланиш.

21. Институтнинг профессор-ўқитувчилар ва илмий ходимларининг мажбуриятлари қуйидагилардан иборат:

- таълим тўғрисидаги қонунчилик, меҳнат интизоми, институт Устави ва Ички тартиб, меҳнатни муҳофаза қилиш хавфсизлик техникаси ва ишлаб чиқариш санитариясига доир қоидаларига қатъий риоя қилиш, хизмат

вазифаларини виждонан бажариш ва ўқитувчилик шаънига доғ туширмаслик;

-муассаса ходимлари, талабалари ва бошқа шахслар билан хушфёъл муносабатда бўлиш;

-иш берувчининг қонуний фармойишларини, ҳар йили тасдикланадиган шахсий режа асосида ўқув-услугий, илмий ва маънавий- маърифий ишларни ўз вақтида ва сифатли бажариш, хусусан:

а)ўқув юкламалари ҳажмини, ўқув-услугий, илмий ўқув-ташкилий ишларни тасдиқланган шахсий режа асосида бажариш ва маънавий-маърифий ишларда иштирок этиш;

б)дарслик, ўқув қўлланма тайёрлаш, ўқув адабиётлар, илмий мақолалар, монографиялар ёзиш;

в)тарбиявий ишларни олиб бориш, талабалар билан маънавий-маърифий ишларда бевосита иштирок этиш, шу жумладан дарсдан ташқари вақтларда ўтказиладиган тадбирларда;

д)Кенгаш томонидан тасдиқланган кафедра илмий мавзуларида иштирок этиш;

е)ўз малакасини мунтазам равишда ошириш.

-академик лицей ва касб-ҳунар коллежлари учун ҳамкорликда янги авлод ўқув адабиётлари, ўқув-услугий мажмуалар яратишда иштирок этиш;

-академик лицей ва касб-ҳунар коллежларида очик ва муаммоли машғулотлар ҳамда “мастер класс”лар ўтказиш;

-ўрта махсус, касб-ҳунар таълими тизими муассасаларида ўтказиладиган маънавий-маърифий тадбирларида иштирок этиш;

-ўрта махсус, касб-ҳунар таълими тизими муассасаларида замонавий ахборот-коммуникация ҳамда педагогик технологиялар асосида таълим сифатини оширишга кўмаклашиш;

-институтнинг мол-мулкани авайлаш, ундан оқилона фойдаланиш;

-иш берувчига бевосита етказилган ҳақиқий моддий зарарни қоплаш;

-институт жамоатчилиги ишларида қатнашиш;

-замонавий цивилизация ва демократия шароитида таълим олувчиларнинг танлаган йўналиши (мутахассислиги) бўйича юксак касбий тайёргарликни, меҳнатга бўлган қобилиятни шакллантириш;

-чет тили ва ахборот технологияларидан саводхонлигини ошириб бориш;

-таълим олувчиларда мустақил фикрлаш, ташаббускорлик, ижодий қобилиятни шакллантириш;

-ўзининг одоби, маданияти, маънавий савияси билан ўрнатилган бўлиш;

-қийиниш маданиятига риоя этиш;

-республикада амалга оширилаётган ислохотлар ва жаҳонда рўй бераётган янгиликлардан хабардор бўлиш;

-институт, факультет, кафедра томонидан ташкил этиладиган маданий, маънавий, маърифий тадбирларда фаол иштирок этиш;

-ўзи ўқитадиган фан дастурини мунтазам фан ва техника ютуқлари асосида бойитиб бориш;

-янги педагогик технологияларни қўллаб дарсларни юқори савияда ўтиш;

-фан йўналишига тегишли янги манбаларни топиш ва улар билан талабаларни таништириб бориш;

-ҳар ўқув йили бошлангунга қадар ўзи ўқитадиган фан(лар)нинг ишчи ўқув дастури, календарь режаси ва рейтинг назоратлари жадвалини ишлаб чиқиш ва кафедра мажлисида тасдиқлаш;

-талабалар билимини уз вақтида ҳолисона баҳолаш;

-илмий салоҳият ва педагогик маҳоратини ошириш;

-талабалар илмий-тадқиқот ишларига раҳбарлик қилиш;

-олий таълим тизимида амалга оширилаётган ислохотларда фаол қатнашиш.

22. Институт профессор-ўқитувчи ходимларининг чет эл хизмат сафарлари амалдаги конунчиликга асосланган ҳолда амалга оширилади.

23. Институтнинг профессор-ўқитувчилари таркиби уч йилда камида бир маротаба малакасини ошириш қафолатини таъминлайди.

24. Институтнинг маъмурий-хўжалик, муҳандислик-техника, ўқув-ёрдмачи ва бошқа хизмат ходимларининг ҳуқуқ ва мажбуриятлари институтнинг Устави, Ички тартиб ва одоб-ахлоқ қоидалари ҳамда лавозим йўриқномалари билан белгиланади.

IV. Ўқув-тарбиявий ва илмий-методик ишлар

Олий таълим (бакалавриат ва магистратура):

25. Институтда таълимнинг асосий таълим дастурлари икки босқичда амалга оширади: бакалавриат ва магистратура.

Бакалавриат- таълим йўналиши бўйича фундаментал ва амалий билимлар берувчи, ўқиш муддати 4 йилдан кам бўлмаган таянч олий таълимдир.

Бакалавр дастурини тугатган битирувчиларга давлат аттестацияси яқунлари бўйича таълим йўналиши бўйича «бакалавр» даражаси берилади ҳамда давлат намунасидаги диплом топширилади.

Магистратура-йўналишнинг муайян мутахассислиги бўйича фундаментал ва амалий билимлар берувчи, бакалавриат негизида, ўқиш

муддати 2 йилдан кам бўлмаган олий таълимдир.

Магистр дастурини тугатган битирувчиларга давлат аттестацияси якунлари бўйича тайёрланган муайян мутахассислик бўйича «магистр» даражаси берилади ва давлат намунасидаги диплом топширилади.

Бакалавр ва магистрлик давлат намунасидаги диплом унинг эгаларига касбий фаолият билан шуғулланиш ёки танланган таълим йўналишига ва мутахассислигига мувофиқ таълим муассасаларининг навбатдаги босқичларида ўқишни давом эттириш ҳуқуқини беради.

Олий таълимнинг турли босқичида асосий таълим дастурлари бўйича дастлабки таълим олиш, иккинчи олий таълим олиш сифатида қаралмайди.

26. Институтда таълим жараёнини ташкил этиш, таянч олий таълим муассасаси томонидан ишлаб чиқиладиган ва ўрнатилган тартибда тасдиқланадиган Малака талаблари, ўқув режалари ва фанларнинг дастурлари, институт ректори (ўқув ишлари бўйича проректор) томонидан тасдиқланган йиллик календарь ўқув жадвали ҳамда машғулотлар жадвали билан тартибга солинади.

Институт ректори таълим жараёнини мақсадли йўналтириш оркали ташкил этиш, яъни таълим шакллари, услуб ва воситаларни танлаш йўли билан институт талабаларига олий таълимнинг асосий касбий таълим дастурларини ўзлаштириш учун зарурий шароитларини яратиб берилиши лозим.

Институтнинг ижтимоий - иқтисодий ва гуманитар фанлари кафедралари, маънавий-маърифий ва спорт бўлимларига, талабалар ва бошқа жамоатчилик ташкилотларига, раҳбарлик қилиш ва уларнинг фаолиятини мувофиқлаштириб бориш маънавий-маърифий ишлари бўйича проректор томонидан амалга оширилади.

27. Институтда ўқув машғулотларининг қуйидаги асосий турлари белгиланган: маъруза, консультация, семинар, амалий машғулот, лаборатория иши, назорат иши, коллоквиум, мустақил иш, амалиёт, курс лойиҳаси (курс иши), бакалаврлик битирув малакавий иши ҳамда магистрлик диссертацияси.

Аудитория машғулотларининг барча турлари учун 80 дақиқалик танаффуссиз маъруза (ёки 1 жуфтлик академик соат) белгиланган. Ўқув машғулотлари орасидаги танаффус камида 10 дақиқа бўлади.

Таълим ва тарбия олиб бориладиган тиллар: ўзбек ҳамда рус тиллари ҳисобланади (айрим ҳолларда инглиз тилида).

28. Институтда кадрлар тайёрлаш ишлаб чиқаришдан ажралган ҳолда олиб борилади.

Олий таълимнинг асосий касбий таълим дастури доирасида таълим

олишнинг барча шакллари учун ўрнатилган тартибда ишлаб чиқилган ва “Ўзстандарт” агентлигида давлат рўйхатидан ўтказилган давлат таълим стандарти қўлланилади.

29. Институтда ўқув йили икки семестрга бўлинади.

Ўзлаштирувчи талабаларни курсдан курсга ўтказиш факультет деканининг тавсиясига биноан ректор буйруғи билан амалга оширилади. Талабаларни курсдан курсга шартли ўтказиш мумкин эмас.

Олий таълимнинг таълим дастурларини ўзлаштириш, Олий ва ўрта махсус таълим вазирлиги томонидан тасдиқланган ва Адлия вазирлигидан давлат рўйхатидан ўтказилган “Олий таълим муассасалари талабалари билимини назорат қилиш ва баҳолашнинг рейтинг тизими тўғрисидаги низом”га мувофиқ тартибга солинади, “Ўзбекистон Республикаси олий таълим муассасалари битирувчиларининг якуний давлат аттестацияси тўғрисидаги низом”га асосан битирувчиларнинг якуний аттестацияси ўтказилади.

30. Институтда илғор педагогик ва ахборот технологиялари, таълимни индивидуallasштириш ва мустақил таълим олиш воситаларини, модул тизими ҳамда масофавий таълим беришни қўллаш ҳисобига мутахассислар тайёрлаш сифатини оширишга йўналтирилган илмий-услубий ишлар амалга оширилади.

31. **Олий таълимдан кейинги таълим** (таянч докторантура (PhD), докторантура (Doctor of Science), мустақил изланувчилик):

Институтда олий ўқув юртидан кейинги таълим олиш тартиби Ўзбекистон Республикаси Вазирлар Маҳкамасининг 2017 йил 22 майдаги “Олий ўқув юртидан кейинги таълим тизимини янада такомиллаштириш чора-тадбирлари тўғрисида”ги 304-сон қарорини инобатга олган ҳолда, 2012 йил 28 декабрдаги «Олий ўқув юртидан кейинги таълим ҳамда олий малакали ва илмий-педагог кадрларни аттестациядан ўтказиш тизимини такомиллаштириш чора-тадбирлари тўғрисида»ги 365-сонли қарори билан тасдиқланган меъёрий-ҳукукий ҳужжатлар асосида амалга оширилади.

32. Институт кенгашининг тематик режалари бўйича, бажариладиган ишларнинг сифати ҳамда меҳнат хавфсизлигини таъминлаган ҳолда талабалар ва докторантларни кенг жалб этиб, илмий-тадқиқот ва ижодий ишларни олиб боради.

Илмий тадқиқотлар қуйидаги маблағлар ҳисобидан молиялаштирилади:

-фан, техника ва маданиятнинг муҳим йўналишлари бўйича фундаментал, амалий ҳамда инновацион тадқиқотларни бажариш учун ажратиладиган давлат бюджети маблағлари;

-шартнома асосида соҳавий вазирликлар, идоралар, корхоналар,

бирлашмалар ва бошқалар, шу жумладан хорижий ташкилотлар маблағлари.

V. Институтнинг таркиби

33. Институт мустақил равишда таркибий тузилмасини шакллантиради.

-Институт бажариладиган ишларнинг ҳажми ва шакллари асосида ходимларни руйхатини мустақил равишда белгилайди, ходимлар билан меҳнат шартномаларини тузиш ва тугатиш, иш бўйича мажбуриятларни тақсимлайди.

-Институтнинг таркибида турли таркибий бирликлар бўлиши мумкин, улар таълим, илмий ва бошқа фаолиятни амалга оширади (филиаллар, ваколатхоналар, бўлимлар, факультетлар, илмий тадқиқотлар маркази, конструкторлик бюrolари, тайёргарлик курслари, инновацион-технологик, ўқув-методик бўлимлар, илмий ускуналар лабораториялари, ўқув ва амалий машғулотлари устахоналари, ўқув ва тажриба машғулотлари лабораториялари, ўқув майдончалари, ўқув-илмий амалиёт учун илмий асосли базалар, ўқув ва намоиш марказлари, ахборот ресурс марказлари, ахборот технология марказлари, музейлар, босмахона, спорт клублари, спорт ва соғлиқни сақлаш марказлари, ётоқхоналар, психологик ва ижтимоий педагогик хизматлар, уларга эҳтиёжи бўлганларни адаптация ва реабилитация қилиш марказлари, боғ ва маҳаллий норматив ҳужжатларда назарда тутилган бошқа таркибий бўлинмалар).

-Институт таркибий бўлимлари юридик шахс эмас.

-Институт таркибий бўлимларнинг ҳуқуқий мақоми, функциялари ва ваколатлари ушбу Уставда келтирилган тартибда тасдиқланган қоидалар билан белгиланади.

34. Институтнинг таркибига қуйидагилар киради:

Факультетлар:

1. Кимёвий ва озиқ овқат технологияси;
2. Нефть-газкимё саноати технологияси;
3. Енгил саноат;
- 4.Электротехника ва ишлаб чиқаришда ахборот коммуникация технологиялари;
5. Муҳандислик-қурилиш.

Кафедралар:

1. Кимёвий технология;
2. Озиқ-овқат технологияси ва саноат экологияси;
3. Касбий таълим;
4. Нефть-газкимё саноати технологияси;

5. Менежмент;
6. Енгил саноат технологиялари ва жиҳозлари;
7. Тўқимачилик;
8. Технологиялар ва жиҳозлар;
9. Механика;
10. Машинасозлик технологияси;
11. Архитектура ва қурилиш;
12. Электроэнергетика
13. Технологик жараёнларни бошқаришнинг ахборот коммуникация тизимлари;
14. Ахборот коммуникация технологиялари.
15. Ижтимоий фанлар;
16. Табиий фанлар;
17. Тиллар;
18. Жисмоний маданият;
19. Олий математика;
20. Инглиз тили;
21. Чизма геометрия ва муҳандислик графикаси.

Маъмурий бошқарув, хизмат бўлимлари:

- 1) Мониторинг ва ички назорат бўлими;
- 2) “Маънавият ва маърифат” ва иқтидорли ёшлар билан ишлаш бўлими;
- 3) Таълим сифатини назорат қилиш бўлими;
- 4) Ўқув - услубий бошқарма;
- 5) Маркетинг бўлими;
- 6) Илмий тадқиқот ва илмий-педагогик кадрлар тайёрлаш бўлими;
- 7) Ахборот технологиялар маркази;
- 8) Режа - молия бўлими;
- 9) Бухгалтерия;
- 10) Ходимлар бўлими;
- 11) 1-2-бўлимлар;
- 12) Фуқаро ва меҳнат муҳофазаси бўлими;
- 13) Техник фойдаланиш ва хўжалик бўлими;
- 14) Халқаро бўлим;
- 15) Ўқитишнинг техник воситалари бўлими;
- 16) Ахборот ресурс маркази;
- 17) Девонхона ва архив;
- 18) Академик лицей ва касб-хунар коллежлари билан ишлаш бўлими;

- 19) Магистратура;
- 20) Таҳририй нашриёт бўлими;
- 21) Катта юрисконсульт.

Институт қошида:

- Жамоат ташкилотлари –хотин-кизлар кўмитаси, мураббийлар кенгаши, ота-оналар кенгаши ва бошқалар.
- Маъмурий бошқарув ва хизмат кўрсатувчи бўлимлар, марказлар ўз фаолиятларини тегишли Низомлар ва қоидалар асосида амалга оширадилар.
- Компьютерлашган тизимлар орқали машина ва жиҳозларнинг технологик жараёнларини бошқариш илмий лаборатория.
- Машина ва жиҳозларни лойиҳалаш бўйича илмий лаборатория.
- 1 та академик лицей фаолият кўрсатади.

Ўзбекистон Республикаси Президентининг 2017 йил 26 сентябрдаги “Олий таълим муассасаларига кириш учун номзодларни мақсадли тайёрлаш тизимини янада такомиллаштириш тўғрисида”ги ПҚ-3290-сон қарори асосида Бухоро муҳандислик технология институти қошидаги 1-сон академик лицей ташкил этилган.

Академик лицейлар мустақил юридик шахс ҳисобланиб, ўз фаолиятини Ўзбекистон Республикасининг «Таълим тўғрисида»ги Қонуни, Кадрлар тайёрлаш Миллий дастури, Ўзбекистон Республикаси Президенти Фармонлари, Қарорлари ва Фармойишлари ва бошқа норматив-ҳуқуқий ҳужжатларга мувофиқ ҳамда ўз Устави асосида амалга оширади.

Таълим сифатини назорат қилиш бўлими.

Ўзбекистон Республикаси Вазирлар Маҳкамасининг 2017 йил 18 июлдаги 515-сон қарорига ҳамда Ўзбекистон Республикаси Олий ва ўрта махсус таълим вазирининг 2017 йил 24 июлдаги 497 сонли буйруғи асосида “Таълим сифатини назорат қилиш” бўлими институт талабалари билимларининг давлат таълим стандартларига мувофиқлигини ўрганиб бориши, таҳлил қилиши, кадрлар тайёрлаш сифати мониторингини юритиши, натижалар ҳамда таълим сифатига таъсир этган омиллар тўғрисидаги маълумотларни институт ректорига ҳамда Давлат инспекциясига тақдим этиб бориши учун ташкил этилди.

VI. Институтни бошқариш

35. Институтни бошқариш Ўзбекистон Республикаси қонунчилиги ҳамда ушбу Уставга мувофиқ ректор томонидан яқка раҳбарлик ва институт кенгаши, Васийлар кенгаши орқали жамоатчилик бошқарувини уйғунлаштириш тамойили асосида амалга оширилади.

36. Институтни бевосита бошқариш Ўзбекистон Республикаси

Президентининг 1992 йил 9 мартдаги 137-сонли фармойишида белгиланган тартиб асосида тайинланадиган ректор томонидан олиб борилади.

Ректор институт фаолиятига, шунингдек, Олий таълим тўғрисидаги Низом, институтнинг Ички тартиб қоидалари ҳамда мазкур Уставда белгиланган мажбуриятлар учун тўла масъулдир.

Ўзбекистон Республикасининг қонун ҳужжатларига мувофиқ ўқув, илмий ва бошқа норматив ҳужжатларни амалга оширишда, инновацион, маъмурий, молиявий-иқтисодий, инвестицион фаолиятларни амалга ошириш, норматив-меъёрий ҳужжатларни ишлаб чиқиш ва қабул қилишда ҳар бир талаба, жамият ва давлат олдида ўз фаолияти учун маъсулдир.

Ректор Ўзбекистон Республикаси қонунчилигига мувофиқ институт номидан иш олиб боради, барча идоралар, муассасалар, корхоналарда унинг вакили сифатида қатнашади, институтнинг мол-мулкига масъуллик қилади, шартномалар тузади, ишончномалар беради, банк муассасаларида институтнинг ҳисоб рақамларини очади, молиявий маблағлардан ўрнатилган тартибда фойдаланиш бўйича фармойишлар беради.

Ректор институтнинг ваколати доирасида:

- институтнинг барча ходимлари, талабалари ва бошқа таълим олаётганлар учун мажбурий бўлган буйруқлар чиқаради ва топшириқлар беради;

- бўйсунувчи вазирлик (идора) билан келишилган ҳолда факультет деканлари ва бош бухгалтери ва бош бухгалтер ўринбосари-аудиторни лавозимига тайинлайди ҳамда лавозимидан озод қилади;

- институт проректорлари лавозимига номзодларни тавсия этади ва проректорлар, деканларнинг муайян вазифалари ҳамда масъулиятларини белгилайди;

- институт ходимлари ва хизматчиларини, шунингдек илмий-педагогик ходимларни Ўзбекистон Республикаси меҳнат қонунчилиги ва Вазирлар Маҳкамаси томонидан белгиланган тартибда ишга олиш ва бўшатишни амалга оширади;

- институт таркибига кирган илмий тадқиқот, тажриба-экспериментал ҳамда бошқа ташкилот ва бўлинмаларнинг вазифаларини белгилайди ва улар тўғрисидаги низомларни тасдиқлайди;

- институт ходимларининг лавозим маошларига ҳар ойлик устамалар ва қўшимчаларни белгилайди;

- касаба уюшма қўмитаси ёки институтнинг бошқа ваколатли органи билан келишган ҳолда институтнинг Ички тартиб қоидаларини тасдиқлайди;

- институтнинг амалдаги қонун ҳужжатлари ёки Вазирликнинг норматив-ҳуқуқий ҳужжатлари бузилган ҳолда чиқарилган буйруқларини бекор қилади;

- институтда Намунавий штат бирликларига мувофиқ ажратилган маблағлар ҳамда иш ҳақи фонди, тасдиқланган институт ходимларининг сони ва лавозим маошлари, тариф сеткаси доирасида институт профессор-ўқитувчилари таркиби ва институт ходимларининг штат бирлигини тасдиқлайди ҳамда лавозим маошларини белгилайди;

- институт Кенгашининг тавсиясига кўра ўрнатилган тартибда тегишли норматив-ҳуқуқий ҳужжатларга мувофиқ факультетларни, кафедраларни очиш ёки ёпиш қарорларини тасдиқлайди.

“Олий таълим муассасасининг кафедраси тўғрисидаги Низом” талабларидан келиб чиққан ҳолда институт Кенгашининг тавсиясига кўра кафедралар ташкил этилади ёки тугатилади.

Институт ректорига ўзи ишлаётган институтда ва ундан ташқарида ҳақ тўланадиган бошқа раҳбарлик лавозимида (илмий ва илмий-методик раҳбарликдан ташқари) ўриндошлик бўйича ишлашга рухсат этилмайди. Ректор ўз вазифаларини ўриндошлик бўйича бажариши мумкин эмас.

37. “Олий таълим тўғрисидаги Низом”га мувофиқ институтида институт фаолиятининг асосий масалаларини кўриш учун **Кенгаш ташкил этилади.**

Кенгаш таркибига ректор, проректорлар, факультетлар деканлари ҳамда мутахассислар тайёрловчи кафедралар мудирлари, шунингдек, талабалар ва олий таълим муассасаси ходимлари касаба уюшмаси кенгаши вакиллари киради. Ректор институт кенгаши раиси ҳисобланади. Кенгашнинг бошқа аъзолари умумий мажлисда (конференцияда) яширин овоз бериш йўли билан сайланади. Профессор-ўқитувчилар таркибидан Кенгашга сайланадиганлар сони ректор буйруғи билан белгиланади.

Институт Кенгаши институтнинг умумий раҳбарлигини амалга оширадиган коллегиал орган ҳисобланади. Институт Кенгаши аъзоларининг сони институт ходимлари ва талабалари сонига нисбатан белгиланади.

-институт Кенгаши институтнинг бошқарув органлари ва бўлимлари таклифларини инобатга олган ҳолда иш режасини тузади.

-институт Кенгашининг қарори, йиғилишида иштирок этадиган кўпчилик аъзолар томонидан маъқулланган бўлса, камида 50 фоизини ташкил этса, республика қонунчилигида бошқа тартиб белгиланмаган бўлса, йиғилишда қарор қабул қилинган деб ҳисобланади.

-институт Кенгашининг котиби институт ректори буйруғи билан тайинланади.

-институтнинг Кенгаш котиби институтнинг Кенгаши йиғилишига

тайёргарликни ташкил этади, унинг қарорларини бажаралишини назорат қилади ва институт Кенгаши ва институт таркибий бўлимларининг ваколатлари асосида ўзаро муносабатларини мувофиқлаштиради.

-институт Кенгаши йиғилишининг тавсиясига кўра ўрнатилган тартибда тегишли норматив-ҳукукий ҳужжатларга мувофиқ факультетларни, кафедраларни очиш ёки ёпиш қарорларини тасдиқлайди.

“Олий таълим муассасасининг кафедралари тўғрисида”ги низом асосида талабаларидан келиб чиққан ҳолда институт Кенгашининг тавсиясига кўра кафедралар ташкил этилади ёки тугатилади.

38. Институт Кенгашининг ваколатлари:

-конференцияларни ташкил этиш, шунингдек унинг ўтказилиши билан боғлиқ бошқа масалаларни ҳал қилиш тўғрисида қарор қабул қилиш;

-институтни ривожлантиришни асосий истикболли йўналишларини шу жумладан унинг таълим ва илмий фаолиятини белгилаш;

-ўқув жараёнини ташкил этишнинг асосий масалалари, шу жумладан талабаларни қабул қилиш қоидаларини белгилаш, ўқув режасини тузиш, талабаларни ўқитишнинг амалдаги тартибини тартибга солиш, якуний назоратлар бўйича талабаларни ўзлаштириши натижаларини кўриб чиқиш;

-молиявий-ҳўжалик фаолиятини режасини ва институтни ривожлантириш дастурини кўриб чиқиш;

-институт ректорининг йиллик ҳисоботларини тинглаш;

-таълим масалалари, илмий-тадқиқот масалалари бўйича ахборот таҳлилий, молиявий-иқтисодий фаолиятини ва шунингдек институтнинг халқаро ҳамкорлик масалалари бўйича қарорларини қабул қилиш;

-институт Кенгашининг иш режасини тасдиқлаш;

-институт педагог ходимлардан номзодларни илмий унвонлар олишга тавсия қилиш;

-институтнинг фаолиятини амалга оширувчи таркибий бўлимларни тузиш ва тугатиш тўғрисида қарорлар қабул қилиш (илмий, илмий-тадқиқот ва илмий-техник лаборатория фаолиятини амалга ошириш, илмий-техник фаолиятини амалга оширувчи бошқа ташкилотларнинг таълим фаолиятини амалга оширувчи бўлимлар ташкил этиш ва тугатиш тўғрисида);

-институтнинг факультет, кафедра ва бошқа таркибий бўлимлари тўғрисидаги Низомларни тегишли таълим дастурига мувофиқ тасдиқлаш;

-институт педагогик ходимларини Кенгашда танлов бўйича ўтказиш;

-институт ходимларини Давлат мукофотларига тавсия бериш;

-институт Кенгаши томонидан тасдиқланган қоидалар асосида фахрий унвонлар бериш;

-институтда талабалар учун стипендия масалаларини тартибга солувчи

қоидаларни тасдиқлаш;

-Давлат ва номдор стипендияларига талабалар номзодларини тавсия қилиш.

39. Институтда Васийлар кенгаши институтни бошқарувчи жамоатчилик органи ташкил этилади ва унинг таркибига муассасалар, вазирликлар, маҳаллий ҳокимият, ишбилармон доиралар, жамоатчилик ташкилотлари, жамғарма ва васийлар ҳамда бошқа таълим муассасаларининг вакиллари киради.

Васийлар кенгашининг ваколатлари, шакллантириш таркиби ва фаолияти “Васийлар кенгаши тўғрисида”ги Низом билан белгиланади. Васийлик кенгаши институт ректори вазифасини бажарадиган муддатга тайинланади.

40. Институтда касаба уюшмаси ва бошқа жамоатчилик ташкилотлари фаолият кўрсатади.

Профессор-ўқитувчилар ва ходимларнинг ҳуқуқий манфаатларини ҳимоялашни касаба уюшмаси марказий кенгаши ҳамда уларнинг институтда сайланган вакили амалдаги қонунчилик асосида ўз иш фаолиятини олиб боради.

41. Институтнинг мажбуриятлари:

-институт муваффақиятли фаолият юритишига, меҳнат маданияти ва интизоми кўтарилишига эришиш, ишловчиларнинг касб маҳоратини юксалтириш, тариф ставкаларини амалдагиларига нисбатан пасайишига йўл қўймаслик;

-ишлаб чиқариш дастурини бажариш учун меҳнат жамоасини моддий-техник ресурслар ва молиявий маблағлар билан ўз вақтида таъминлаб бориш;

-меҳнат унумдорлигини юксалтириш, илғор тажрибани ўзлаштириш, фан ва техника ютуқларини амалиётга жорий этиш учун барча шарт-шароитларни яратиш;

-ишлаб чиқариш дастурининг бажарилиши, институтнинг молиявий аҳволи ва олинган фойданинг ишлатилиши ҳақида меҳнат жамоасини мунтазам хабардор қилиб бориш;

-институтнинг ўзида, ходимлар учун касбий тайёргарлик, бошқа касбга ўргатиш, малака ошириш ишларини олиб бориш;

-жамоа шартномасини тузишга, унинг бажарилиши устидан назоратни йўлга қўйишга, шунингдек, Ўзбекистон Республикасининг Меҳнат кодексида, бошқа қонунларида, институтнинг таъсис ҳужжатларида, жамоа келишувларида ҳамда жамоа шартномасида назарда тутилган бошқа масалаларга оид маълумотларни Касаба уюшма қўмитасига тақдим этиб бориш;

-белгилаб қўйилган меҳнат тартиби доирасида қасаба уюшма қўмитаси билан ҳамкорлик қилиш, ўзаро тақлифлар ва талабларни ўз вақтида қўриб чиқиш, меҳнат баҳсларини музокара йўли билан ҳал этиш.

Амалдаги низомларга мувофиқ институтда илмий-услубий, илмий-техник кенгашлар ва комиссиялар, ёш олимлар кенгаши ва бошқалар ташкил этилиши мумкин. Ректорат ва Кенгаш ўз фаолиятида институт жамоат ташкилотларининг тавсияларини қўриб чиқади ва ўз фаолиятларида уларни ҳисобга олади.

42. Институтнинг факультет деканлари ректор тавсиясига кўра Вазирлик (идора) билан келишилган ҳолда тайинланади. Факультет декани ўз фаолиятида “Факультет тўғрисида”ги Низомга амал қилади. Факультетда кенгаш ташкил этилади, Кенгашнинг таркиби, ваколатлари, шакллантириш ва фаолиятининг тартиби “Факультетнинг Кенгаши тўғрисида” ги Низом билан белгиланади.

43. Кафедра фаолиятига Ўзбекистон Республикаси Вазирлар Маҳкамаси томонидан тасдиқланган Низомга мувофиқ танлов асосида институтнинг Кенгаши томонидан сайланадиган кафедра мудирининг раҳбарлик қилади. Кафедра мудирининг ваколатлари ва кафедра фаолиятининг тартиби “Олий таълим муассасасининг кафедралари тўғрисида”ги низом асосида ва хизмат мажбуриятлари билан белгиланади.

VII. Молия-хўжалик фаолияти ва моддий-техник база

44. Институтга ушбу Уставда назарда тутилган фаолиятни амалга ошириш ва фойдаланиш мақсадида давлат томонидан бинолар, иншоотлар, мулкӣ мажмуалар, институтнинг паспортига мувофиқ асбоб-ускуналар, шунингдек истеъмол, ижтимоӣ, маданий ва бошқа мақсадлар учун зарур бўлган мулклар бириктирилган.

Институт Ўзбекистон Республикаси Вазирлар Маҳкамасининг қарори билан амалга ошириладиган давлат тасарруфидан чиқариладиган ва хусусийлаштириладиган объектлар қаторига киритилган. Институтга ажратилган ер участкалари муддатсиз бепул фойдаланиш учун бириктирилган.

45. Институтга жисмоний ва юридик шахслардан совға, ҳадя ёки васият бўйича берилган пул маблағлари, мол-мулк ва бошқа мулкӣ объектларга, институт фаолиятининг самараси ҳисобланган интеллектуал ва ижодий маҳсулотларга, шунингдек ўз фаолияти орқали оладиган даромадлар ва бу даромадлар ҳисобидан сотиб олинладиган мулкӣ объектларга эгалик қилиш ҳуқуқи берилган.

46. Институт мол-мулкни ижарага олувчи ва мол-мулкни ижарага

берувчи сифатида фаолият кўрсатиш ҳуқуқига эга. Ўзбекистон Республикасининг Фуқаролик кодекси ва Ўзбекистон Республикаси Вазирлар Маҳкамаси томонидан тасдиқланган “Давлат мулкани ижарага бериш тартиби тўғрисида”ги Низомга мувофиқ институт ўзига бириктирилган ижарага берилиши қонун ҳужжатларига зид бўлмаган бинолар, иншоотлар ва уларнинг қисмлари, асбоб-ускуналар, транспорт воситалари шаклидаги давлат мулки ва бошқа мол-мулкларни Кенгашнинг розилиги билан тасарруф этиш ҳуқуқисиз, белгиланган нархлар бўйича ижарага беришни амалга оширади.

Ижара ҳақи сифатида олинган маблағларнинг тегишли қисми таълим жараёнини ривожлантириш учун фойдаланилади.

47. Институтнинг таълим фаолиятини молиявий таъминлаш давлат грантлари асосида мутахассислар тайёрлаш учун ажратилган бюджет маблағлари, давлат томонидан белгиланган меъёрларидан келиб чиққан ҳолда қайта тайёрлаш ва ходимларнинг малакасини ошириш ҳисобига ажратилган маблағлар, шунингдек бюджетдан ташқари маблағлар, жумладан талабалар ва тингловчиларни ўқитиш учун белгиланган тартибда олинган тўлов-шартнома асосидаги маблағлар ҳамда қонун ҳужжатларида тақиқланмаган бошқа манбалар ҳисобига амалга оширилади.

48. Институтнинг асосий фаолиятдан четланмаган тартибда таълим ва бошқа соҳаларда пуллик хизмат фаолиятини амалга ошириш мумкин. институтда шуғулланадиган тадбиркорлик фаолияти унинг уставида белгиланган вазифаларга мос келиши керак.

Институт пуллик таълим хизматлари, консультациялар ва бошқа хизматлар учун нархларни белгилаш, солиқ ва қонунчиликда назарда тутилган бошқа мажбурий тўловлардан сўнг қолган даромадни мустақил тасарруф этиш ҳуқуқига эга.

Институт Ўзбекистон Республикаси қонунчилигига ҳамда мазкур Уставга зид бўлмаган шартномаларни тузиш, мажбуриятлар ва бошқа шартларни белгилаш бўйича масалаларни мустақил ҳал қилади.

Институт ўз мулки билан хўжалик жамиятлари ва ширкатларнинг устав жамғармасида қатнашиш, пуллик таълим хизматлари, консультациялар ва бошқа хизматлар учун нархларни белгилаш, солиқ ва қонунчиликда назарда тутилган бошқа мажбурий тўловлардан сўнг қолган даромадни мустақил тасарруф этиш ҳуқуқига эга.

49. Институтда лавозим маошлари меҳнат шарномаси тузилаётганда “Олий таълим муассасалари ходимлари меҳнатига ҳақ тўлаш тўғрисида”ги норматив-ҳуқуқий ҳужжатларга мувофиқ белгиланади. Институт ходимига лавозим маоши, ўз функционал вазифаларни ҳамда меҳнат шартномасида

назарда тутилган ишларни бажарганлиги учун тўланади. Қўшимча маош, устама, моддий ёрдам ва бошқа моддий рағбатлантириш тадбирларининг ҳажмини институт мустақил, иш ҳақи фонди доирасида қонунчиликда назарда тутилган тартибда ва ҳажмда белгилайди.

50. Институтда ташкил этилган жамоат ташкилотларига фаолият кўрсатишлари учун зарур бўлган хоналарни ажратади. Институт ҳудудида жойлашган тиббиёт таянч маскани ҳамда талабалар, тингловчилар ва ходимларга хизмат кўрсатувчи ошхона, буфетлар ва бошқа умумий овқатланиш муассасаларига иситиш, ёритиш ва сув таъминоти билан таъминланган хоналар ажратилади.

Институтнинг тегишли биноларини таъмирлаш, реконструкция қилиш ёки янгиларини қуриш, уларнинг молиявий таъминоти қонунчиликда белгиланган тартибда амалга оширилади.

VIII. Халқаро ҳамкорлик

51. Институт Ўзбекистон Республикаси “Таълим тўғрисида”ги Қонунининг 33-моддасига мувофиқ таълим муаммолари юзасидан халқаро ҳамкорликда иштирок этадилар, чет давлатларнинг тегишли ўқув юртлари билан бевосита белгиланган тартибда алоқалар ўрнатиш, ҳуқуқига эга.

Чет эл фуқароларини ўқитиш, қайта тайёрлаш ва уларнинг малакасини ошириш, таълим муассасаси илмий-педагогик ходимларининг Ўзбекистон Республикаси ҳудудидан ташқарида ўқитувчилик ва илмий-тадқиқотчилик ишлари давлатлараро органининг хорижий давлатларнинг таълимни бошқариш бўйича тегишли органлари орасидаги шартномалар, шунингдек институтнинг қонунчиликка мувофиқ чет эл фуқаролари ва хорижий юридик шахслар билан бевосита тузган шартномалари асосида амалга оширилади.

52. Институт куйидаги ҳуқуқларга эга:

-Ўзбекистон Республикасининг халқаро шартномалари деб қаралиши мумкин бўлмаган, хорижий шериклар билан ҳамкорликдаги фаолият тўғрисида белгиланган тартиб асосида шартномалар тузиш;

-хорижий ҳамкорлар иштирокида институтнинг таркибий бўлимлари (марказлар, лабораториялар, технопарклар ва бошқа бўлимлар)ни қонунчиликда кўзда тутилган тартибда ташкил этиш.

53. Институт Ўзбекистон Республикасининг қонунчилигига мувофиқ ушбу Уставда назарда тутилган ва “Таълим тўғрисида”ги қонуни ҳамда Кадрлар тайёрлаш миллий дастурида белгиланган вазифаларни бажаришга, шунингдек халқаро алоқаларни ривожлантиришга йўналтирилган ташқи иктисодий фаолият билан шуғулланиш ҳуқуқига эга.

IX. Якуний қондалар

54. Институт Ўзбекистон Республикасининг қонунчилигида белгиланган тартибда қуйидагиларга жавоб беради:

- унинг ваколатига киритилган вазифаларни бажармаганлиги;
- таълим жараёнида ўқув режа ва жадвалларга мувофиқ таълим дастурлари ҳажмини тўлиқ бажармаганлигига;
- таълим жараёни вақтида институтда таълим олувчилар ва ходимларининг ҳаёт хавфсизлигига;
- таълим олувчилар ва институт ходимларининг ҳуқуқ ва эркинликларнинг бузилганлигига;
- Ўзбекистон Республикасининг қонунчилигида назарда тутилган бошқа хатти-ҳаракатларга.

55. Институт Ўзбекистон Республикаси амалдаги қарорларига мувофиқ белгиланган тартибда қайта ташкил қилиниши ёки тугатилиши мумкин.

56. Мазкур Устав Олий ва ўрта махсус таълим вазирининг буйруғи билан тасдиқлангандан сўнг, ўрнатилган тартибда давлат рўйхатидан ўтказилади ва кучга киритилади.

Ушбу Уставга ўзгартириш ёки қўшимчалар киритиш Олий ва ўрта махсус таълим вазирлигининг буйруғига мувофиқ белгиланган тартибда амалга оширилади.



ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРИНИНГ
БУЙРУҒИ

201 8 йил "19" феврал № 168

Тошкент ш.

Бухоро мухандислик
технология институти
Уставини тасдиқлаш
хақида

Ўзбекистон Республикаси Президентининг 2017 йил 26 сентябрдаги “Олий таълим муассасаларига кириш учун номзодларни мақсадли тайёрлаш тизимини янада такомиллаштириш тўғрисида”ги ПҚ-3290-сон қарорида белгиланган топшириқлар ижросини таъминлаш мақсадида

БУЙУРАМАН:

1. Бухоро мухандислик технология институтининг Устави иловага мувофиқ тасдиқлансин.

2. Бухоро мухандислик технология институти ректори У.Мухамедхановга:

Бухоро мухандислик технология институти Уставини белгиланган тартибда рўйхатдан ўтказишни таъминлаш;

Уставда қайд этилган вазифаларни амалга ошириш чора-тадбирларини белгилаш;

Бухоро мухандислик технология институти фаолиятини мазкур Уставга мувофиқ юритилишини доимий назоратга олиш вазифалари юклатилсин.

3. Олий ва ўрта махсус таълим вазирлигининг 2014 йил 13 январдаги Бухоро мухандислик технология институти Уставини тасдиқлаш хақида 10-сонли буйруғи ўз кучини йўқотган деб ҳисоблансин.

4. Ушбу буйруқ ижросини назорат қилиш вазирнинг биринчи ўринбосари Д.Х.Набиев зиммасига юклатилсин.

Вазир



И.Маджидов